

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10.stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 11-394-2/17 od 06.04.2017. god, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

2. **„TUV ADRIA“ doo iz Sarajeva, ul. Muhameda ef. Pandže bb**, registrovan kod Općinskog suda u Sarajevu, matični broj subjekta upisa: 1-25897, identifikacijski broj kod Porezne uprave FBiH Kantonalni ured Sarajevo 4201168890001, PDV broj 201168890001, koga zastupa direktor Peljto Muamer (u daljem tekstu: Izvršilac usluga)

Dana 06.04.2017.godine, u Sarajevu zaključuju

UGOVOR O IZVRŠENJU USLUGA

Član 1.

Ugovorne strane su saglasne da Izvršilac usluga za potrebe Ugovornog organa izvrši uslugu **drugog nadzornog audita sistema upravljanja kvalitetom prema zahtjevima Međunarodnog standarda ISO 9001:2008**, a sve prema zahtjevima Ugovornog organa iz Zahtjeva za dostavu ponude broj: 11-394/-1/17 od 23.03.2017. god. i Ponudi Izvršioca usluga, broj: 3330/2E1Y_I0 od 28.03.2017. god., koji čine sastavni dio ovog Ugovora.

Član 2.

Ugovorenom uslugom je obuhvaćeno: trošak registracije sertifikata, trošak korištenja sertifikata, trošak registracije TIC pečata, troškovi za korištenja TIC pečata, troškovi za angažovanje stručnog osoblja za izvršenje usluge, putni troškovi i smještaj angažovanog osoblja, izrada dokumentacije koja je potrebna za pripremu audita i izrada dokumentacije nakon provedenog audita.

Izvršilac usluge se obavezuje da izvještaj sa recertifikacijskog audita dostavi Ugovornom organu najkasnije u roku od 60 dana od završetka audita.

Član 3.

Ukupna ugovorena vrijednost predmetne usluge iznosi **3.150,00 KM bez PDV, odnosno 3.685,50 KM sa PDV-om.**

Ugovorena vrijednost iz stava 1. ovog člana je fiksna do kraja izvršenja ovog Ugovora.

Član 4.

Ugovorni organ se obavezuje da će plaćanje ugovorene vrijednosti usluga iz člana 3. ovog Ugovora izvršiti nakon dostavljanja izvještaja, i to u roku od 15 dana od dana prijema fakture za plaćanje, na transakcijski račun Izvršioca usluga, broj: 1610000058530005, otvoren kod Raiffeisen Bank d.d. Sarajevo.

Član 5.

Ugovorne strane su saglasne da se drugi nadzorni audit Sistema upravljanja kvalitetom prema zahtjevima Međunarodnog standarda ISO 9001:2008, izvrši u objektima Ugovornog organa, u Sarajevu, ul. Aleja Bosne srebrene broj 7., u periodu od 15.05. do 19.05.2017. godine, te da se tačan datum i vrijeme audita utvrdi naknadno.

Član 6.

Izvršilac usluga garantuje blagovremeno i kvalitetno izvršenje predmetne usluge.

Ukoliko u toku izvršenja ovog Ugovora nastupe okolnosti koje se u vrijeme njegovog zaključenja nisu mogle predvidjeti, a koje utiču na njegovo blagovremeno izvršenje, ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Ugovorne strane su dužne da se o nastalim nepredviđenim okolnostima odmah međusobno pismeno obavijeste.

Član 7.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Izvršilac usluga se obavezuje da, u smislu stava 1. ovog člana, kao i u smislu odredaba Pravila KJU „Gerontološki centar“ Sarajevo, koja se odnose na obavezu čuvanja poslovne i profesionalne tajne, sve podatke iz predmeta djelatnosti Ugovornog organa, koje sazna ili koji mu budu saopšteni ili dostupni, sva dokumenta sistema nastala u proceduri, kao i sva znanja koja je stekao ili stekne kod Ugovornog organa, ne može ni pod kakvim uslovima i okolnostima prenositi, niti otkrivati drugim osobama, niti iste smije upotrijebiti u cilju certificiranja Sistema upravljanja kvalitetom prema zahtjevima Međunarodnog standarda ISO 9001:2008 u bilo kojoj ustanovi socijalne zaštite na području Bosne i Hercegovine.

Član 8.

U svrhu izvršenja ovog Ugovora Izvršilac usluga nema pravo zapošljavati lica koja su učestvovala u pripremi tenderske dokumentacije najmanje šest mjeseci po zaključenju ovog Ugovora.

Član 9.

Izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 10.

Ovaj Ugovor se primjenjuje od dana obostranog potpisivanja i traje do izvršenja svih ugovorenih obaveza.

Član 11.

Ovaj Ugovor se može raskinuti pismenim putem ukoliko se jedna od ugovornih strana ne bude pridržavala odredaba istog, uz predhodno izmirenje svih obaveza nastalih po osnovu Ugovora.

Ovaj Ugovor se smatra raskinutim prijemom pismenog obavještenja o raskidu istog.

Član 12.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 13.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

VRŠILAC USLUGA

Broj: 17523

Datum: 17.04.2017



Handwritten signature

UGOVORNI ORGAN

Broj: 11-394-4/17

Datum: 06.04.2017.godine

